

# Cymdeithas Gwasanaethau

## Gwirfoddol Sir Benfro

Eich cyngor gwirfoddol sirol lleol

### 7. Dod o hyd i arian a'i gael

#### 7.10.4 Cyflwyniad i Gymorth Rhodd



Mae Cymorth Rhodd yn galluogi elusennau i hawlio'r gyfradd treth incwm sylfaenol yn ôl gan Gyllid a Thollau Ei Mawrhydi ar roddion gan drethdalwyr yn y DU. Gan fod y gyfradd treth incwm sylfaenol yn 20 y cant, mae hyn yn golygu y cewch hawlio 25c ychwanegol am bob £1 a roddir i chi. Yn ogystal, bydd elusennau yn derbyn rhyddhad trosiannol o 3.2 ceiniog yn y bunt er mwyn rhoi amser iddynt addasu i'r newid yn y gyfradd treth sylfaenol. Mae hyn yn golygu y bydd elusennau yn derbyn 28.2 ceiniog yn y bunt tan Ebrill 2010. Y cyfan sydd angen i'r rhoddwr ei wneud yw gwneud datganiad Cymorth Rhodd yn dweud eu bod yn talu digon o dreth i fedru rhoi beth mae'r elusen yn ei adhawlio. Gall un datganiad weithredu ar roddion yn y gorffennol a'r dyfodol. Gall elusen hawlio Cymorth Rhodd ar roddion a dderbyniwyd dros y pum mlynedd diwethaf (chwe blynedd yn flaenorol). Mae hwn i gyd yn cyfri, a gall wneud gwahaniaeth sylweddol i'ch elusen.

#### **Beth yw'r manteision?**

Mae Cymorth Rhodd yn ffordd wych o roi hwb i'r rhoddion a dderbyniwch, beth bynnag bo'u maint, yn rhad ac am ddim i'r rhoddwr, a chyd a phrin ddim gwaith gweinyddol ychwanegol i'r elusen. Does dim isafswm nac uchafswm, a symleiddiwyd y wybodaeth sydd ei hangen gan y rhoddwr, sy'n golygu bod

Cymorth Rhodd yn ffordd eithriadol o effeithiol a hyblyg o roi.

#### **Pum cam i fanteisio ar Gymorth Rhodd**

- Cam 1:** Cwblhewch Ffurflen Gais Elusennau Cyllid a Thollau Ei Mawrhydi i gofrestru, neu Ffurflen Gofrestru CASC (Community Amateur Sports Club) ChN1.
- Cam 2:** Mynnwch ddatganiad Cymorth Rhodd oddi wrth eich rhoddwyr.
- Cam 3:** Cadwch gofnodion o'r datganiadau a'r rhoddion gyda llwybr archwilio clir.
- Cam 4:** Gwnewch hawliadau rheolaidd i adhawlio'r dreth yn ôl oddi wrth HMRC.
- Cam 5:** Gwnewch yn siŵr fod eich rhoddwyr yn gwybod am Gymorth Rhodd! Pwysleisiwch na fydd yn costio ceiniog i roddwyr ddefnyddio Cymorth Rhodd, a gallwch ddweud wrthynt yr hyn y gallech ei brynu gyda'r incwm ychwanegol y byddech yn ei dderbyn.

## Sut mae'r ad-daliad treth yn gweithio

Yn syml iawn, mae Cymorth Rhodd yn rhoi cyfle i'r elusen hawlio'r gyfradd treth incwm sylfaenol ar y rhodd, sydd oddeutu 25 y cant yn fwy.

Rhoddwr yn rhoi i'ch elusen	<b>£100.00</b>
Elusen yn hawlio'r gyfradd treth incwm sylfaenol ar y rhodd gros gan HMRC:	<b>£25.00</b>
Rhyddhad trosiannol	<b>£3.20</b>
Cyfanswm a gewch chi	<b>£128.20</b>

## Pwy sy'n gymwys?

Er mwyn i rodd fod yn gymwys ar gyfer Cymorth Rhodd, rhaid i'r rhoddwr fod yn drethdalwr yn y DU. Rhaid iddynt dalu o leiaf gymaint o dreth incwm neu dreth enillion cyfalaf â faint o dreth fydd eich elusen yn ei hawlio ar eu rhoddion yn ystod y flwyddyn dreth honno. Bydd blwyddyn dreth yn dechrau ar y 6 Ebrill ac yn gorffen ar y 5 Ebrill canlynol. Bydd eich elusen yn hawlio 25c gan Gyllid y Wlad am bob £1 a roddir. Felly, petai roddwr yn rhoi £100 i chi mewn blwyddyn dreth, byddai'n rhaid iddynt fod wedi talu o leiaf £25 mewn treth cyn i chi allu hawlio gan Gyllid y Wlad. Nid yw cyfradd treth y rhoddwr yn gwneud unrhyw wahaniaeth - gallai fod yn 20, 40 neu 50 y cant. Gallai fod yn dreth a dynnir o log banc neu gymdeithas adeiladau neu'r credyd treth ar ddfidend. Yr hyn sy'n bwysig yw bod faint o dreth y maent yn ei dalu yn ystod y flwyddyn dreth o leiaf gymaint â'r dreth y bydd eich elusen yn ei hawlio.

## Trethdalwyr ar y gyfradd uwch

Gall trethdalwyr ar y gyfradd uwch adennill y gwahaniaeth rhwng y gyfradd uwch (40%) a'r gyfradd sylfaenol (20%) ar roddion. Ar gyfer y gyfradd dreth 50%, gellir adennill y gwahaniaeth rhwng y gyfradd uchaf a'r gyfradd sylfaenol.

### Enghraifft:

Trethdalwr cyfradd uwch yn rhoi i'ch elusen	<b>£100.00</b>
Elusen yn hawlio'r gyfradd sylfaenol (22%)	<b>£25.00</b>
Rhyddhad trosiannol	<b>£3.20</b>
Elusen yn derbyn	<b>£128.20</b>
Rhoddwr yn hawlio'r gyfradd uwch i'w hunan	<b>£25.00</b>

Gall y trethdalwr ar y raddfa uwch adhawlio'r rhyddhad drwy'r ffurflen treth, y ffurflen Adolygu Treth neu drwy gysylltu â'r swyddfa dreth sy'n delio gyda nhw.

Mae ymchwil CAF (2009) wedi darganfod fod hanner y trethdalwyr ar raddfa uwch yn anymwybodol o'r rhyddhad personol ar roddion sydd ar gael iddynt, dim ond un rhan o bump a'i defnyddiodd, ac mae'r mwyafrif yn fodlon rhoi arian i elusennau. Gall elusennau wneud defnydd o'r wybodaeth yma wrth hyrwyddo Cymorth Rhodd.

Gweler gwefan Coleg Brenhinol Llundain am enghraifft sut i hyrwyddo Cymorth Rhodd i drethdalwyr ar y raddfa uwch.

[www.kcl.ac.uk/support/give/giftaid/html](http://www.kcl.ac.uk/support/give/giftaid/html)

## Gwybodaeth bellach

### Cymru'n Rhoi

Llinell gymorth 0800 2888 329

[givingwales@wcva.org.uk](mailto:givingwales@wcva.org.uk)

### Cynllun rhoi drwy'r gyflogres

[www.charitablegiving.co.uk](http://www.charitablegiving.co.uk)

### Institute of Fundraising

Tax-effective giving Helpline

0845 458 4586

[taxback@institute-of-fundraising.org.uk](mailto:taxback@institute-of-fundraising.org.uk)

[www.tax-effectivegiving.org.uk](http://www.tax-effectivegiving.org.uk)

### HMRC Charities

Llinell Gymorth 0845 302 0203

[charities@hmrc.gov.uk](mailto:charities@hmrc.gov.uk)

[www.hmrc.gov.uk](http://www.hmrc.gov.uk)

### Ymwadiad

Mae'r wybodaeth a ddarperir yn y daflen hon ar gyfer cyfarwyddyd yn unig. Nid yw'n amnewid am gyngor proffesiynol ac ni allwn dderbyn unrhyw gyfrifoldeb am golled o ganlyniad i unrhyw berson weithredu neu wrthod gweithredu arno.

### Am rhagor o wybodaeth cysylltwch â

#### Cymdeithas Gwasanaethau Gwirfoddol Sir Benfro

36-38 Stryd Fawr, Hwlfordd, Sir Benfro, SA61 2DA

Elusen Gofrestredig 1063289

Ffôn: 01437 769422

[info@pavs.org.uk](mailto:info@pavs.org.uk)

Ffacs: 01437 769431

[www.pavs.org.uk](http://www.pavs.org.uk)



Ffôn: 0800 2888 329

[www.wcva.org.uk](http://www.wcva.org.uk)

Cynhyrwyd gan WCVA, Cyngorau Gwirfoddol Sirol a Chanolfannau Gwirfoddoli  
Wedi ei ddiweddarau: 21/05/2010